



UNIVERSITÄTS-
BIBLIOTHEK
PADERBORN

Institutiones Canonicæ Sive Ius Ecclesiasticvm

Wiestner, Jacob

Monachii, 1705

V. De Officij Arbitri Cessatione.

[urn:nbn:de:hbz:466:1-62620](#)

ARTICULUS V.
**De Officii Arbitri Cef-
 satione.**

S U M M A R I U M

- 55. Cessat id Arbitri morte.
- 56. Diuturna ejus absentia &c.
- 57. Morte compromittentium, etiam unius,
- 58. Mutuo eorum consensu.
- 59. Arbitri recusatione,
- 60. Deficiente conditione & lapsu termini,
- 61. Compromittentium unius ab arbitrio recessu,
- 62. Pronuntiatione arbitri definitivâ.

55. Q Uemadmodum Judicum præterit delegatorum, sic & Arbitrorum Compromissariorum officium ac potestas versimodè finitur: &

Primo quidem, morte arbitri: &, si plures sunt, etiam ex ipsis unius, c. Unū 42. de Offic. deleg. quō relatum Gregorii IX. relictum est, Unū delegatorum vel Arbitrorum rebus humanis excepto eorum officium expravit: nisi aliud in delegatione vel compromisso fuisse expressum; ut scilicet translat ad hæredes aliōs successores, vel compromissariorum uno defunctō reliqui procedant, l. Diem 27. §. 1. & l. Non distinguemus 32. §. 13. ff. de Recept. arbitri. Glossa in c. cit. V. Delegatorum. Ratio est; quia in plures arbitros simpliciter assumptos compromissum censemur, ut super controversia vel negotio arbitrium omnes simul proferant, arg. l. Duo 39. §. de Re judic.

Secundo, diuturna absentia arbitri, ex quacunque causa profecti ad partes remotas, diuque non reddituri, arg. l. Longius 18. ff. de Judicis, Panormit. in c. Presentata 50. de Test. & attest. n. 2. & Laiman in c. cit. n. 2. & quāvis alia causā impeditio, quod minus arbitri in causa procedere, eamve intra tempus partium consensu præfixum terminare possint, Molina Tratt. §. de l. & l. diff. 43. n. 1.

Tertio, morte compromittentium uniusque, vel etiam unius tantum, c. Ex parte 10. ut adeò compromissum ad compromittentium hæredes non transeat, c. fin. & l. Diem cit. §. 1. Panormit. in c. cit. n. 9. Nisi partes pro se & hæreditibus compromisissent, c. cit. vel compromisisset universitas; hanc enim constituentium aliquibus mortuis compromissum non solvi, cum Blanco de Compromiss. q. 7. n. 2. & 5. recte notat Bruneman. in l. cit. n. 8. & 9.

Quarto, mutuo consensu partium compromittentium, sicut contractus cæteri, sic etiam compromissum solvitur, l. Sed si 9. §. 5. ff. de Recept. arbitri, ut &, si de re, super qua compromissum est, à partibus sit transactum, l. Non distinguemus cit. §. 5. earumve una totum jus, quod circa rem controversam habuit, alteri cesserit; cum enim ita, sicut & rei, super qua compromissum est, interitu litigium, quod circa rem fuit, cesseret, etiam compromissum solius litis, quæ de ea fuit, dirimendæ causâ placitum, cessabit, Molina diff. cit. n. 4.

58.

Quinto, recusatione arbitri, tanquam compromittentium uni merito suspecti; propter odium capitale, affinitatem, aliām necessitudinem cum litigantium altero supervenientem &c. l. Licit 15. ff. Rubr. cit. adeò; ut, si arbiter, ne ob

ne ob suspicionem sententiam dicat, ro-
gatus, eam nihilominus dixerit, senten-
tia doli exceptio valeat opponi, *i. Non*
distinguemus cit. §. 14. ubi Bruneman.
n. 17.

60. Sexto, deficiente conditione, sub
qua fuit compromissum, *i. Litigatores*
11. §. fin. & lapsu termini, à partibus
ad definitandam item suam arbitro prae-
fixi, nec prorogati, *i. Quid tamen 21.*
§. 5. ff. Rubr. cit. Vallen. ad hanc Rubr.
§. 7. V. Tertiò & ibi Pirrhing n. 84.

61. Septimò, uno compromittentium
ab arbitrio recedente, litemque movente
coram judice Ordinario; licet enim
hōc casu recedens solvere cogatur pec-
nam, si quæ compromisso fuit adjecta,
compromissum tamen finitur; ut causa
coram judice ordinario deinceps venti-
landa, & definitiā ejus pronuntiatio
terminanda sit, *i. Si quis rem ff. Rubr.*
cit. ubi Bruneman. n. 1. cit. Pirrhing
n. 95.

Ostavd, pronuntiatio definita
super tota vel omnibus causis, super
quibus in arbitrum est compromissum,
i. Qualem 19. §. 1. ff. Rubr. cit. cūm ei
officiō suō plenē functus sit; ut senten-
tia sua aliquid addere vel detrahere,
eam corrigerē vel mutare amplius non
possit saltem, si pronuntiatio sua à
forma compromissi non recepit; si enim
ejus pronuntiatio compromisso non con-
gruererit, sed esset contraria, cā tanquam
invalida officio sue functus dici non pos-
set; cūm, quod nullum est, nullum
habeat effectum, *e. Illud 3. de Jure pa-
tronat. & i. Si se 4. §. 6. ff. de Re jūdic.*
Dixi etiam, *Definitiā & Super tota vel*
omnibus causis; quia interlocutoriē dum-
taxat, vel super uno cause articulo, vel
super una ex pluribus causis collectivē
commissi pronuntiando, officio suo
compromisarius non defungitur, neque
arbiter definit esse, *cit. Pirrhing n. 84.*

Libri I. Institutionum Canonicarum F I N I S.



